

كلميني

إنتي ليه رافضة الكلام
مع كل الناس رافضة
و لا رافضة كلامي أنا
شوفي من كام سنة
و احنا عايشين مع بعضنا
لا مرة هنتك
و لا خنتك
و جرحتك شعورك
دايما كنت
مالي قلبك سرور
ماهو مش معقول

هافضل كده علطول
أجرح نفسي
و ادوس عليها
و ألمها وابكي عليها
أنا باعشقك بهواكي
و كل شئ يروح فداكي
بس كلميني و اكلمك
أشكيلي همك
زي ماكنت اشكيلك
و ساعات الليل
أبكي و اغنيك
مش عارف إن كان عنيا هايحبك
و لا ها يروح لمين

ما نتي أُمي و أم كل حزين
ما هوا لحزانه كتير
في كل شارع و كل حارة متنطورين
مظالم بس مش عارفين
يداوي الجرح فين
ياما كتير بكوا
وياما كتير اشتكوا
لا دمة نافعة
و لا شكوى وصلت
طب إيه العمل
و لسه مش عاوزة تكلميني
و لسه رافضة سلامي
طب اشكي لمين حالي

مانت رافضة كلامي
كتير جوه مني حابسه
من صغر سني
و لا لف دوى لجراحي
و نفسي أدوق طعم الأفراح
أرحميني بقى كلميني
يمكن بكلامك للخير تدليني
أرحميني بقى و كلميني
بلا عنوان
ليه انتي إللي قلبي اختارك
و كل مادی في القلب يزيد نارك
ليه ماكنتش واكدة تانية
مانا حبيتك و اديتك قلبي في تانية

تستاهلي الحب ده
و لهفة القلب عليكى بالشكل ده
إيه اللي فيكى شدني
والله أنا خايف
يتعبني و يهديني
أنا هطاوع قلبي
و هامشي وراه
و لو تعبت في يوم
عمري ما قول الآه
بس قراري من دلواقتي
أبدأ أحسن وقتي
و ادي لقلبي الأمان
و معاه كمان كل الحنان

الدنيا ما تغركيش
و تقولي معاك أعيش
وقتي هاقضيه معاكي
من غير غش و خداع
و لو لعبتي يبقى هوه ده الوداع
مش هاقدر أكون معاكي
و القلب فيه جروح
أنا برده بحبك
و يا روح ما بعدك روح
هاديكي قلبي و إسمي
توب جديد تلبسيه
لو كنتي شارية حقيقي
ضروري تتمني بيه

حاسس بالغدر منك
لكن هاديكي المان
و ازرع ورد المحبة
و ارويه حب و حنان
أما القسوة مني
مش ممكن في يوم تلقاها
قلبي و قلبك مع بعض مربوطين
و لا في شئ ها يفرقنا
إلى يوم الوعد